

Comunu de Quartu Sant' Aleni

Tzitadi Metropolitana de Casteddu

DELIBERATZIONI DE SA GIUNTA COMUNALI

Nùmeru 06 su 11/01/2024

Ogetu: ATIVATZIONI ATZIONI LEGALI DIMENSIONAMENTU SCOLÀSTICU - DELIBERATZIONI DE SA GIUNTA DE SA REGIONI SARDÌNNIA N. 46/25 DE SU 22/12/2023.

S'annu 2024, s' 11 de su mesi de Gennaxu, a ora de is 13.00 in Quartu Sant'Aleni, in sa sala comunali, cunvocada cunforma a sa lei, s' est atobiada sa Giunta Comunali. Funt presentis is sennoris:

Sìndigu	Presenti
MILIA Graziano Ernesto	No
Assessoris	
SANNA Salvatore	Eja
CAMBONI Marco	Eja
CARTA Cinzia	Eja
COGONI Tiziana	Eja
CONTI Antonio Mauro	Eja
MANCA Barbara	No
PERRA Rossana	Eja
VANINI Aldo	Eja

Presentis: 7 Ausentis: 2

Pigat parti a sa setziada su Segretàriu Generali Maggio Paolo.

S'Assessori SANNA Salvatore ndi liat sa presidèntzia e, de chi at averiguau chi ddoi at su nùmeru legali, cumentzat sa setziada.

SA GIUNTA COMUNALI

Postu chi custu provedimentu est cunforma a is indiritzus de s'Aministratzioni cun riferimentu a:

- sa Deliberatzioni de su Consillu Comunali n. 114 de su 19.12.2023 chi at aprovau sa Nota de aggiornamentu DOCUMENTU ÒNICU DE PROGRAMATZIONI (DUP) 2024/2026 - ART. 170 c. 1 DE SU D.LGS. 267/2000;
- sa Deliberatzioni de su Consillu Comunali n. 116 de su 19.12.2023 chi at aprovau su Bilàntziu de Previsioni Finantziàriu 2024/2026 e sa nota integrativa;
- sa Deliberatzioni de sa Giunta Comunali n. 2 de su 05/01/2024 cun su “Pianu Esecutivu de Gestioni (PEG) 2024/2026”;
- sa Deliberatzioni de Giunta Comunali n. 25 de su 01.02.2023 cun: “Aprovatzioni Pianu Integrau de Atividades e Organizatzioni (PIAO) Tres Annus 2023/2025”;

Cunsiderada sa deliberatzioni n. 29 de su 16/3/2015, esecutiva cunforma a sa lei, integrada cun deliberatzionis n. 122 de su 06/11/2015 e n. 162 de su 17/12/2015, n. 5 de su 17.01.2017, n. 217 de su 17.10.2019, e n. 29 de su 08.02.2022, esecutivas cunforma a sa lei, cun sa cali s'Aministratzioni Comunali at definiu is indiritzus po su cunferimentu de is incàrrigus po sa difensa in giudìtziu de su Comune;

Postu chi spetat a sa Giunta Comunali a torrai sceda a sa voluntadi de si costitui in giudìtziu;

Bida sa deliberatzioni de sa Giunta de sa Regioni Sardìnnia n. 46/25 de su 22/12/2023 de aprovatzioni de su Pianu de programatzioni scolàsticu e de s'oferta formativa de sa Regioni Sardìnnia po s'a.s. 2024/2025, comenti modificada de sa delibera n. 1/9 de su 05/01/2024 (allegau n. 1);

Biu su decretu n. 322 de su 09/01/2024 de su Ministeru de s'Istrutzioni e de su Minescimentu Ufitziu Scolàsticu Regionali po sa Sardìnnia, chi narat: “...omissis.... Is scolas de sa Regioni Sardìnnia, cumentzendi de su 1 de cabudanni 2024, arricit is variatzionis chi s'agatant in sa deliberatzioni n. 46/25 de su 22/12/2023 de sa Giunta de sa Regioni Sardìnnia, allegau 1, comenti modificada de sa delibera n. 1/9 de su 05/01/2024, allegaus 1 e 2...omissis...” (allegau n. 2);

Bida sa nota de su Sìndigu, allegada e depositada me in is atus de ufitziu, trasmitia a s'Assessori Regionali de sa P.I., prot. g. n. 1485 de su 08/01/2024, innui ndi bessint a pillu is crititzidadis chi pertocant su dimensionamentu scolàsticu;

Torrada sceda de cunsiderai sa possibilidadi de aprontai un'atzioni legali po parai fronti a s'arriscu de sopressioni de duas autonomias scolàsticas;

Biu su Decretu Sindacali n. 28 de su 27/12/2023 chi at atribui a su Dot. Marco Onnis, is funtzionis de Dirigenti de su Setori 5 “Afàrius Generalis - Òrganus Istitutzionalis – Servìtzius Demogràficus - URP”;

Bida sa proposta de deliberatzioni n. 06 de su 10/01/2024, de su Setori Afàrius Generalis - Òrganus Istitutzionalis - Servìtzius Demogràficus – URP”, po s'argumentu in ogetu;

Arriciu, cunforma a is Artìculus 49 e 147bis de su D.Lgs. 18/08/00 n. 267, su parri a favori de su

Dirigenti de su Setori 5 “Afàrius Generalis – Òrganus Istitutzionalis - Servìtzius Demogràficus - URP” in contu de regularidadi tècnica”;

Donau atu, finas , chi s’est arriciu parri de cunformidadi aministrativa, a is leis, a su Statutu e a is Regulamentus cunforma a s’art.97, c.2, de su D.Lgs n. 267/00, e a s’art. 4, c.4, de su Regulamentu Comunali asuba de is controllus internus, de parti de su Segretàriu Generali;

Biu su D.L.gs. 18 de austu 2000, n. 267: “T.U.E.L de is leis asuba de s’Ordinamentu de is Entis Localis”;

Biu su Statutu Comunali;

Cun votatzioni a favori.

DELÌBERAT

De nominai un’abogau po averiguai si ddoi funt elementus po cumentzai un’atzioni legali;

De decrarai cun votatzioni a totòmini chi custa deliberatzioni est esecutiva luegus etotu, cunforma a s’ art. 134, puntu 4, de su D.Lgs. 18 de austu 2000, n. 267.